


KOMMUNINMUT PILERSAARUMMUT TAPILIUSSAQ 1C27-1

Noorlarni illut immikkuullarissut

Nuuk, Nuup illoqarfia, Ataatsimoorussassatut siunertat

September 2009



KOMMUNEQARFIK **SERMERSOOQ**
Anlægs- og Miljøforvaltningen

Imarisai

ILITSERSUUT 3

NASSUIAAT 4

Kommunimut pilersaarummut tapiliussap tunuliaqutaa	4
Kommunimut pilersaarummut tapiliussap immikkoortuata ilaa.....	4
Kommunimut pilersaarummut tapiliussap siunertaa imarisaalu	5
Pilersaarummut allamut tunngatillugu inissisimanera	9
Kommunimut pilersaarummut tapiliussap inatsisitigut sunniutigigallagai.....	9
Oqallisigineqarnera akuersissutigineqarneralu	10

AALAJANGERSAKKAT PINGAARNERIT 10

§ 1 Kommunimut pilersaarummut tapi-liussami siunertat.....	10
§ 2 Kommunimut pilersaarummut tapiliussami immikkoortut ilai.....	10
§ 3 Immikkoortup ilaata atorneqarnera	10
§ 4 Sanaartugaq	10
§ 5 Inissap sinnera.....	10
§ 6 Avatangiisimut piumasaqaat	11
§ 7 Allangutsaaliugassat.....	11

AALAJANGERSAKKAT SUKUMIISUT 10

§ 8 Immikkoortup ilaata atorneqarnera	10
§ 9 Sanaartukkat annertussusaat inissinneqarnerallu	10
§ 10 Sanaartukkat silataasa isikkui	10
§ 11 Aqquserngit, aqqusineqqat bilinullu inissiisarfii.....	11
§ 12 Nunaminertat sanaartorfigineqanngitsut	12
§ 13 Teknikkimut atortut	12
§ 14 Avatangiisinut tunngasut.....	13
§ 15 Piginnittut peqatigiiffiat	13
§ 16 Atuilernissamut piumasaqaatit.....	13
§ 17 Illoqarfiup ilaanut pilersaarutini atorunnaarsitsineq	13

AKUERSISSUTEQARNEQ 15

ILANNGUSSAT

Ilanngussaq 1:	Immikkoortup ilaa pissutsillu pioreersut, uuttuut 1:1000
Ilanngussaq 2	Sanaartorfiit 1:500
Ilanngussaq 3:	Titartagaq 1:1 000

ILITSERSUUT

Kommunimut pilersaarummut tapiliussami nunaminertat, sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq atorneqassanersut, inissinneqassanersut ilusilersorneqassanersullu aalajangersarneqartarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussami siunertat anguniakkallu, sumiiffimmi eqqaanilu pissutsit pioreersut kiisalu kommunimut pilersaarummut tapiliussap pilersaarutitut allanut tunngatillugu qanoq inissisimanagera naatsumik allaaserineqartarput.

Kommunimut pilersaarummut tapiliussami aalajangersakkat aalajangersakkanut pingaarnertut sukumiisunullu agguataagaapput. Aalajangersakkat tamarmik pituttuisuupput, taamaattorli sukumiisumik aalajangersakkanit immikkut ittumik akuersissuteqartoqarsinnaasarpoq.

Nunaminertanik atuineq pilersaarusiorderlu pillugit Inatsisartut peqqussutaat nr. 11, 15. decembari 2008-meersoq naapertorlugu kommunalbestyrelse kommunimut pilersaarummut tapiliussaliortussaataavoq:

- *Kommunimut pilersaarutip piviusunngortinneqarnissanut qulakkeerinninnissaq pisariaqartinneqaleraangat.*
- *Sanaartukkat atortulersuutillu annertunerusut imaluunniit nunaminertanik tunniussuinerit aallartinneqannginnerini.*

Kommunimut pilersaarummut tapiliussaliortussaataaermeri pilersaarusiordermeri annertunerusumik ataqatigiissaarisoqarnissaa aammalu innuttaasut tamatumani peqataatinneqarnissaasa anguniarneqarnissaa siunertaavoq.

Taamaattumik kommunimut pilersaarummut tapiliussaq sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat pilersaarut inaarutaasumik akuersissutigineqartinnagu kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai.

Kommunimut pilersaarummut tapiliussami inatsisitigut atuuffiit kommunimut pilersaarummut tapiliussami sukumiinerusumik allaaserineqarput.

NASSUIAAT

Kommunimut pilersaarummut tapiliussap tunuliaqutaa

Immikkoortup ilaa manna immikkoortumut killiliussamut 1B5, Noorlernut, Nuup Kommuneanut Kommunimut pilersaarummut 2005-2014-imut ilaatinneqarpoq. Kommunimut pilersaarummut tapiliussami matumani immikkoortup ilaata nunaminertanik atuinera inuussutissarsiornermiit ataatsimoorussassatut siunertaqartunut allanngortinneqarpoq. Taamaattumik immikkoortoq killiliussaq 1B5-ip taaguutaa immikkoortup ilaanut 1C27-imut allanngortinneqarpoq.

Sumiiffimmi ullumikkut Naqitat A/S-ip illuutai B-6 aamma B-8 inissisimapput. Sumiiffik ullumikkut Naqitat A/S-imit sanaartorfigineqarsimavoq, taakkulu ingitserneqarnissaat Nuummilu allami pilerseqqinneqarnissaat pilersaarutaavoq. Taamaattumik illunik immikkuullarissunik pingasunik inissiartalinnik namminersorlunilu inuussutissarsiutitalinnik sanasoqarnissaa kissaatigineqarpoq.

Kommunimut pilersaarummut tapiliussami siunertarineqartoq tassaavoq sanaartugaa-reersunik ingitserinikkut sanaartukkanik nutaanik taamaallaat sanasoqarsinnaasoq kiisalu siunissami atuinissaq ilusilersuinissarlu aalajangersarneqassalluni.



Titartagaq 1 Immikkoortup ilaata 1C27-1-ip avatangiisai killeqarfiilu

Kommunimut pilersaarummut tapiliussap immikkoortuata ilaa

Immikkoortup ilaa 1C27-1, Noorlernut, 0,5 ha.-it missaanni annertussuseqarpoq. Pilersaarutip suliarineqarnerani sumiiffik inuussutissarsiuteqarnermut taamaallaat atorineqarpoq.

Immikkoortup ilaa kangimut Noorlernut killeqarpoq, kujammut Saqqarlernut aammalu kimmut avannamut kimmullu Kiassateqarfiup tungaanut qaqqamut killeqarluni. Sumiiffik avannamut transformatoreqarfiup, B-355-ip, kujammut sammisortaanut killeqarpoq (titartagaq 1 takuuk).

Sanaartukkat

Sanaartugaareersut 1949-50-ikkunni sananeqarput taakkulu amerlanersaat aallaqqaataaniit naqiterivittut atorineqarsimapput. Aallaqqaam-

mut sanaartukkat ilaat innaallagissiorfittut atorreqarsimavoq, taannali kingusinnerusuk-kut naqiterivimmit tiguneqarpoq. Naak naqiteriveqarneq oqaluttuarisaanikkut Nuum-mut pingaaruteqaraluartoq illuutit eriagisaria-qanngillat.

Immikkoortup ilaata avatangiisai

Sumiiffik kujammut illunik uiulukuttuk-kuutaanik marlunnik, B-237 aamma B-76-imik avatangiiseqarpoq, avannamullu trans-formatoreqarfimmik B-355-imik aamma qitiusoqarfinnik soorlu katersortarfik, B-193, aamma allakkerivimmik, B-3500-imik. Qaqqasunnaq sinerlugu illut ataasiakkaat inissisimapput (titartagaq 1 takuuk).

Nunap isikkua nunataalu

Immikkoortup ilaata nunataa kujammut kangimut annertunngitsumik sivingasuuvog portussuseq 31-p missaaniit portussuseq 29-p missaanut – Noorlernut sinerlugu. Sumiiffik illoqarfiup ilusaanut pioreersumut ilaammat aammalu suliarineqareernikuummatt nunap isikkuanik imatorsuaq eriagisassartaqanngilaq.

Naasoqassuseq nunallu ilua

“Kalaallit Nunaanni eqqaaveqarfinnik nuna-minertanillu mingutsinneqarsimasunik nalu-naarsuineq” naapertorlugu B-6 aamma B-8 nunaminertani mingutsinneqarsimasinnaasumiittutut oqaatigineqarput.

Isikkivik seqinnertarnerlu

Noorlernup aamma Saqqarlernup nunataa kangerluup eqqaani inissiaqarfiup tungaanoorpoq. Noorlernup Aqqusinersuarmut ataneraniit kangerluup aamma Akiata tungaanut isikkiveqarpoq. Sumiiffik qatsinnersamiippoq taamaattumillu kimmut qaqqasunnamit aamma avannamut kimmut imaluunniit illut eqqaaniittut sumiiffiup seqinnertarneranik assiineq ajorput.

Kommunimut pilersaarummut tapiliussap siunertaa imarisaalu

Atuineq

Kommunimut pilersaarummut tapiliussaq manna atuutilerpat sumiiffik pingaarnertut inissianut siunertaqartunut tullertullu niuertarfinnut namminersorlunilu inuussutissarsiornernut atorreqassaaq. Taamaalilluni sumiiffik inissiaqarfinnut qitiusoqarfinnullu qanittuniit-tunut ilanngutissaaq.

Aalajangiineq – sanaartukkat ilusaat

Illut immikkuullarissut inissinneqarnerisigut tullinnguuttut makku qulakkeerneqassapput:


Qanittumiittumi pilersaarusiornermut ataavar-toqalissaaq ataqatigiittoqalerlunilu, ingammik 1C4-mut pilersaarusiornermut (titartagaq 3 takuuk). Tamatuma saniatigut sanaartukkat saavanni illoqannginnersartaqarnissaa qulak-keerneqassaaq, taamaalilluni illoqarfik uummaarissog pilersinneqassalluni. Tama-tuma saniatigut Nuup qitiusoqarfianit kujammullu sissap tungaanut ikaarsaariarneq timitalerlugu takussutissartaqassaaq. Kiisalu isikkiviit qulakkeerneqassapput, taamaalilluni Noorlernut avannamut isuniit kangerluup tungaanut isikkivik salliutinneqarniassammat. Pissutsit tamakku tunngavilersorniarlugit sanaartorfiit Norlernuniit nuunneqassapput sumiiffimmilu tukungasumik/mut inissinne-qassallutik (titartagaq 3 / ilanngussaq 2 takukkit).

1C4-mut pilersaarusiorneq

Immikkoortup killiliussap 1C4-p ungasissor-suunngitsukkut iluarsaanneqarnissaa naatsor-suutigineqarpoq. Sumiiffimmut tamatumun-ga neriutiginetartut tassaapput illoqan-nginnersaareersut ersarissarneqarnissaat kii-salu tamakku akornanni attaviit ersaris-sarneqarnerussallutik. Immikkoortup ilaa manna ataqatigiinnermut tamatumunnga ilaatinneqarpoq aammalu 1C4 aqqutigalugu uniffissaq kingulleq malunnartinneqassalluni (titartagaq 2 takuuk).

Ikaarsaariarneq

Kommunimut pilersaarummut tapiliussami siunertarineqartoq tassaavoq sumiiffik Nuup qeqqata kujammullu sissap tungaanut ikaarsaariarfiunissaanut sanaartorfiit inissinneqarnissaannut, portussutsit, qaliat sivinganeri illullu silataasa ilusilersorneqarnissaannut immikkut piumasaqaatitaqarnera.



Titartagaq 2 Immikkoortup ilaata 1C4-mut ataqatigiinnera aammalu illoqarfiup qiterisinnaasaa.

Tamatuma saniatigut siunertami illup immikkuullarissup avannarliup aammalu immikkoortup killiliussap 1C4-p avannamut kimmuk teqeqquani illumik immikkuullarissumik sanasinnaaneq ataqatigiissumik sakkortusarneqassaaq (titartagaq 2 takuuk).

Illoqarfippalaartoq

Kujammuk sanaartukkat Norlarnup tungaanut ammariartuaassapput aammalu inini allerni niuertarfiit imaluunniit namminersorluni

inuussutissarsiutit pilersinneqassallutik. Taamaallutik taakku ataatsimut sanaartorfiup Norlarnullu akornanni illoqarfippalaartoq atorsinnaasoq sumiiffimmilu atuisunut iluaqutaasoq pilersinneqarsinnaasaaq. Sumiiffik aamma mikisumik pinnguartarfeqassaaq. Tassunga tunngatillugu Noorlarnut ernumantortaqarpoq, kisiannili sanaartorfik kujalleq Noorlarnit miiterinik 30-nik illikartitaqqavoq, taamaalluni ataatsimik pinnguartarfiliornissamut aqqusinermut ungasissuseq naammassaaq (titartagaq 3 takuuk).



Titartagaq 3 Illut immikkuullarissut tukungasumik inissinneqarnerisigut inimilu allermi niuertarfimmik kiffartuussillunilu inuussutissarsiummik inissaqartitsinikkut illut immikkuualuttut saavanni illoqarfippalaartumik pilersitsisoqarsinnaavoq.

Isikkiviit

Sumiiffimmi sanaartorfissat inissinneqarnerisa kingunerisaannik katersortarfimmiit

kangerluup tungaanut isikkivik asserneqas-sanngilaq.

Sanaartukkat

Kommunimut pilersaarummut tapiliussami illunut immikkuullarissunut ataasiakkaanut tunngatillugu portussutsit sanaatorfiillu aalajangersaaffigineqarput, taamaalilluni sanaartukkat illoqarfimmi avatangiiserisanut ataqatigiilerniassammata. Sumiiffimmi sanaartukkat ataatsimoorpalaartumik naleqquttuunissaat qulakkeerniarlugu sanaartukkanik ilusilersuinerni atorussat qalipaattillu atorneqartussat pillugit kommunimut pilersaarummut tapiliussami aamma malittarisassat pingaarnert aalajangersarneqarput. *Aalajangiinermi* pisutsit taaneqartut tunngavilersorniarlugit illut immikkuullarissut kujammut qaliaat ilanngullugit pukgiliartuaartillugit aammalu Noorlernup tungaanut silataat annikilliar-tuaartillugit sananeqassapput (titartagaq 4).

Inissianut inuussutissarsiutinullu agguataarineq

Kommunimut pilersaarummut tapiliussami sumiiffiup inissialiorfissatut salliutinneqarnissaa siunertarineqarpoq. Siunissami aqqusinierni sammisassaartoqaqqullugu innuttaasullu akuliutitikkumallugit aamma allanik neqerooruteqartoqarnissaa pingaaruteqarpoq. Taamaattumik inini allerni niuertarfeqarnissaanut aamma namminersorluni inuussutissarsiuteqartoqarnissaanut annerpaamik 200 m²-isut angitigisunik niuertarfeqarsinnaasariaqarpoq. Taamaalilluni sanaartukkani tallimanik quleriilinni inissiat 80%-inngorlugit inuussutissarsiutillu 20%-inngorlugit agguataarneqassapput.

Portussutsit

Portussutsinut tunngatillugu quleriit sisamaniit arfiniliussapput, nunatallu suliarineqarnerata kingunerisaanik illup immikkuullarissup avannarlerpaavaniit kujallerpaap tungaanut portussutsit pukgiliartuaassapput (titartagaq 2 takuuk).

Sanaartorfiit

Sanaartorfinni ataasiakkaani titarneq killeq qaqqasunnapp sanaartorfiit tunuaniittup aamma illut uiulukutsukkuuutaat B237 aamma B-76 naleqqqatigissavai. Sanaartorfinni ataasiakkaani sanaatorfiup titarnera kangilleq Noorlernumut sanilliullugu 4 gradinik nikingasuteqarpoq. Taamaalilluni immikkoortup ilaata tukimut titartarnera sanaartukkallu ilusaat tunngavilersorluarneqassapput. Illut immikkuullarissut eqqaanni qatserutunut annaassiniarnernullu atorussaasivittut nunataq miiterinik tallimanik annertussusilik qalliusersorneqassaaq (titartagaq 2 takuuk).

Atortussat qalipaattillu

Sanaartukkanut nutaanut tunngatillugu atorussat qalipaattillu atorneqartussat sanaatorfioreersunut naleqquttuunissaat pingaaruteqarlunnarpoq. Taamaattumik sanaartukkat nutaat qisuussapput, igalaaminiullutik, cementitalinnik pladeqarlutik, aluminiummitaqarlutillu imaluunniit saviminertaqassapput. Sanaartukkanut nutaanut tamanut tunngatillugu qalipaattit assigiinngitsut pingasut atorneqassapput, ataaseq ininut allernut atorneqassalluni.

Angallannermut tunngasut

Aqquuserngit aqqusineeqqallu

Kommunimut pilersaarummut tapiliussaqarfimmut Noorlernumiit aqqusineqassaaq. Ungasinnerusoq eqqarsaatigalugu Noorlernup uigunissaa pilersaarutigineqarpoq taamaalillunilu nutarterneqassalluni. Tamatuma saniatigut inissiaqarfinnut marlunnik aqquserniortoqassaaq taakkulu sumiiffimmi bilinut inissiisarfinnut toqqaannartumik attaveqassapput.

Noorlernut sinerlugu pisuinnaat aqquataa saniatigut illoqarfiup ilaanut pilersaaruteqarfiusoq tukimut naallugu aqqusineeraliortoqassaaq, taamaalilluni sanaartukkani init alliit silataasa kangia tamakkerlugu

tikinneqarsinnaasunngortinneqassallutik (ilanngussaq 2 takuuk).

Tamatuma saniatigut kimmuk avannamut kimmullu qaqqasunnap aamma illoqarfiup ilaanut pilersaaruteqarfiusumut atasunik tummeqqiortoqassaaq.



Titartagaq 5 Sanaartukkat pikkiliartortut silataasalu kanqiatunqaat annikilliartuaartut

Bilinut inissiisarfii

Sumiiffimmi najugaqartunut, sulisunut, atuisunut pulaartunullu bilinut inissiisarfeqassaaq; kommunimut pilersaarummi malittarisassat takukkit. Bilinut inissiisarfii sanaartukkat tunuatungaaniitinnneqarnerussapput, taamaalilluni sanaartukkat Noorlernullu akornanni nunaminertaq sapinngisaq tamaat sanaartugartaqannginniassamat (ilanngussaq 2 takuuk).

Nunap isikkua / Nunaminertat sanaartorfigineqanngitsut

Immikkoortup ilaata kitaatungaani aamma avannamut kitaatungaani qaqqasunnap sumiiffimmi najugaqartunut sukisaarsartarfittut pingaaruteqartussatut isigineqarpoq. Qaqqasunnap tungaanut bilinut inissiisarfiliorniaraanni qaqqasunnap taassuma ilaa qaartiterneqartariaqassaaq (ilanngussaq 2 takuuk).

Avatangiisit

Sumiiffik mingutsinneqarsimasinnaasutut nalunaarsorneqarsimammat tamannalu ilutigalugu nunaminertanik atuineq allanngortinneqartussaammat sumiiffimmi inissialior-toqannginnerani sumiiffiup mingutsinneqarsimannginnissaa qulakkeerneqassaaq. Mingutsinneqarsimasorli paasineqarpat sanaartornerup aallartinneqannginnerani sumiiffik salinneqassaaq.

Teknikkikkut pilersuutit

Kiassaaneq

Sumiiffik aalajangersimasumik innaallagissamik kiassarneqassaaq imaluunniit ungasianiit kiassarneqassalluni. Periarfissatut allatut nukissiuutit ataavartut soorlu seqerngup kissaa, nunap kissaa il.il. atorneqarsinnaapput.

Imeq

Sumiiffik pisortat imermik pilersuutaannit nunap iluatigoortunit imermik pilersorneqassaaq.

Imikoq

Niuertarfeqarfittaa kommunip kuuffissuutaanut attavilernerneqarsinnaavoq, attaviillu nunap iluatigoortinneqassapput. Imikoq kuuffissuarmut kuutsinneqartassaaq. Akerlianilli nunap qaaniittoq imeq, tassunga ilanngullugu imeq illut qaliaanniittoq, kuuffissuarmut kuutsinneqassanngilaq kisanili sumiiffimmi sanaartukkanut allanut, aqqusineeqqanut, aqqusinernut nunaminertanullu sanaartorfigineqanngitsunut ajoqutaanngitsumik kuutsinneqassalluni.

Eqqaaveqarneq

Inissiat eqqaanni tamani eqqaavilerfiit atorneqassapput imaluunniit eqqaavimmut containeriusumut inissaq immikkoortinneqassalluni. Eqqaaviit containeriusut immikkut ungalusanut taamaallaat inissinneqassapput. Sumiiffik Kommuneqarfik Sermersuup eqqagassalerineq pillugu malit-

tarisassaataanut sukkulluunniit atuuttunut ilaatinneqarpoq.

Pilersaarummut allamut tunngatillugu inissisimanera

Kommunimut pilersaarut 2005-2014

Immikkoortup ilaa Kommunimut pilersaarut Nuuk 2005 – 2014, immikkoortoq killiliussaq 1B5- Noorlernut ilaatinneqarpoq. Kommunimut pilersaarut 2005-2014 naapertorlugu immikkoortoq killiliussaq pioreersoq inuussutissarsiteqarfittut tunniunneqarpoq. Sumiiffik taanna siunertanut ataatsimoorussanut atugassanngortillugu allanngortinneqarpoq. Tamanna inissiaqarfinngorlugu allanngortinneqarpoq. Taamaattumik 1B5-imut siusinnerusukkut killiliussassatut aalajangersakkat kommunimut pilersaarummut tapiliussamit taarserneqarput.

Immikkoortup ilaa immikkoortumut killiliussamut 1A3, Sipisaq Avannarlermut aamma Saqqarlernut, 1C4 Sipisaq Avannarlermut aamma 1C6 Qullilerfimmuut killeqarfeqarpoq. Kommunimut pilersaarummut tapiliussami matumani immikkoortup ilaa 1C27 allanngortinneqarpoq, taamaalilluni tamassuma eqqaani immikkoortunut killiliussanut killeqarfinnut sunniuteqarpoq.

Kommunimut pilersaarummut tapiliussamut aamma immikkoortumut killiliussamut 1C4-mut kommunip pilersaarutaa tassaavoq kikkunnilluunniit tikisinnaaneqareersut pitsanngorsassallugit aammalu tamakku uummaarissarneqarnissaannut periarfissat pitsanngorsassallugit pilerinarninngortissallugillu (titartagaq 3 takuuk).

Avatangiisini iliuuseqarnissamut pilersaarut

Nuup Kommuneata “Avatangiisinut iliuuseqarnissamut pilersaarutaataani 2006-2010-mit” anguniakkat ilagaat ungasinnerusoq eqqarsaatigalugu nunamik mingutsitsinerup paasiniarnissaa naliliiffigineqarnissaalu. Immikkoortup ilaani nunaminertanik atuinerup allanngortinneqarnera ilutigalugu sumiif-

fimmi tamatumani nunamik mingutsiteriataarsimasinnaaneq paasiniarneqartariaqarpoq aammalu avatangiisini iliuusissatut pilersaarummi allaaserineqartutut naliliiffigineqassalluni.

Illoqarfiup ilaanut pilersaarutit allat

Immikkoortup ilaa illoqarfiup ilaanut pilersaaruteqarfiusunut 1C4-1-imut aamma 1C7-2-mut killeqarfeqarpoq. Immikkoortup ilaata killeqarfilersorneqarnerata allanngortinneqarnera illoqarfiup ilaanut pilersaaruteqarfiit taakku killeqarfilersorneqarnerannut sunniuteqarpoq. Kommunimut pilersaarummut tapiliussami matumani illoqarfiup ilaanut pilersaarutit 1C4-1-p aamma 1C7-2-p atuuffiisa ilaat atorunnaarsinneqarput, taakkulu kommunimut pilersaarummut tapiliussamut attuumassuteqarput.

Kommunimut pilersaarummut tapiliussap inatsisitigut sunniutigigallagai

Kommunimut pilersaarummut tapiliussatut siunnersuut tamanut saqqummiunneqarpat taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut atorneqarsinnaassanngillat imaluunniit sanaartorfigineqarsinnaassanngillat kommunimut pilersaarummut tapiliussap inaarutaasup aalajangersagartaanik unioqqutitsisumik. Inatsisinik atortitsigallarneq atuutissaaq inaarutaasumik kommunimut pilersaarummut tapiliussap akuersissutigineqarnissaata tungaanut – sivistisunarpaamilli siunnersuumik tamanut saqqummiussinermit ukioq ataaseq. Akerliliissuteqarsinnaanermut piffissarititap naanerani akerliliissuteqartoqarsimanngippat kommunalbestyrelsimiit nunaminertat kommunimut pilersaarummut tapiliussami ilaatinneqartut atorneqarsinnaanerat kommunalbestyrelsimiit akuerineqarsinnaavoq, tamanna kommunimut pilersaarummut tapiliussamut naapertuuttumik unioqqutitsinngitsumillu pippat.

Oqallisigineqarnera akuersissutigineqarneralu

Kommunimut pilersaarummut tapiliussassatut siunnersuut 1C27-1, Noorlarnut, tamanit oqallisissanngorlugu saqqummiunneqarpoq piffissami **ulloq 22. apriliimiit ulloq 3. juuni 2009-p** tungaanut. Piffissami tusarniaaviusumi akerliliissutit oqaaseqaatillu 5-it tiguneqarput.

Kommunimut pilersaarummut tapiliussaq Kommunalbestyrelsip ulloq **18. agusti 2009** ataatsimiinnerani suliarineqarpoq akuerineqarlunilu saqqummiuneqartumut sanilliullugu imaattunik allannguuteqartinneqarluni:

- Oqaasertai ilanngussallu paasiuminarinngorlugit aaqqissuinikkut iluarsivigineqarput.
- Oqaasertaliunneqartut arlallit iluarsineqarput, ataatsimut aamma ataasiakkaanut aalajangersakkat eqqornerusunngorlugit inis-sineqarlutik.
- Ataatsimut aalajangersakkani avatangiisinut tunngasoq § 7 allanngortinneqarpoq, imaalillugu inissianik sanaartulinnginnermi sumiiffik mingutsinneqarsimasinnaammat avatangiiseq nalileqqaarneqassasoq.
- Kommunimut pilersaarummut tapiliussap *kommunimut pilersaarummut tapiliussaq 1C26-1-imiit kommunimut pilersaarummut tapiliussaq 1C27-1-imut allanngortinnera.*
- Aalajangersakkani aalajangersagaq nutaaq § 9.4 ilanngunneqarpoq, illup silataa eqqaanniittunut attuumatinneqarnissaannut tunngasoq ilanngussaq 2-mi taaneqartutut.
- Paragraffimik 13.4-p allanngortinnera imaalillugu, imikoorut qasertoq aamma qernertoq ilanngunneqarlutik.

Kommunimut pilersaarummut tapiliussap assilineri Nunatta Atuagaateqarfiani, kommunip saaffiginnittarfiani, nittartagaani www.sermersooq.gl, imaluunniit Sanarfinermut Avatangiisinullu ingerlatsivimmut saaffigin-ninnikkut pissarsiarineqarsinaavoq, telefon 34 74 31.

AALAJANGERSAKKAT PINGAARNERIT

Matumuuna pilersaarusiorneq aamma nunaminertanik atuneq pillugu Inatsisartut peqqussutaat nr. 11, 5. decembari 2008-meersoq naapertorlugu kommunalbestyrelsip aalajangersakkat tullinnguuttut makku aalajangersarpai:

Aalajangersakkat aalajangersakkanut pingaarnernut aamma sukumiisumik aalajangersakkanut agguataagaapput.

Allatat innersuussinerillu uingasunik allataapput.

§ 1 Kommunimut pilersaarummut tapiliussami siunertat.

Kommunimut pilersaarummut tapiliussakku qulakkeerneqartussat:

- Sumiiffik ataatsimoorussassatut siunertalinnut pilerinartunngortissalugu.
- Immikkoortup ilaani quleriit arfinillit tikillugit sanaartornissamut periarfissiissalluni.
- Sanaartukkat nutaat titartarneqarnermikkut ataqatigiissasut aamma pitsaassutsit eqqarsaatigalugit atortussat toqqarneqartut, sanaartukkat portussusaat, sanaartukkat annertussusaat, sanaartukkat qaliaasa ilusaat, qalipaataat aamma sanaartukkat annikitsortaat pitsaasuussasut.
- Sanaartukkat illoqarfiup ilaani allanngorartuussapput kisiannili ataatsimoortitserpalaartuussallutik.
- Sumiiffiup kujammut kangiatungaani nunaminertamik sukisaarsartarfimmik pinnguarterfittalimmik pilersitsinissamut periarfissiisoqarnissaanut qulakkeerinnoqassasoq.

- Illunik B-6 aamma B-8-mik ingitserinikkut sanaartukkanut nutaanut inissaqartitsisoqalissasoq.

§ 2 Kommunimut pilersaarummut tapiliussami immikkoortut ilai

- 2.1 Kommunimut pilersaarummut tapiliussami immikkoortup ilaa ilanngussami 1-imi takutinneqartut killeqarfeqarpoq.
- 2.2 Immikkoortup ilaa niuertarfeqarfiuvoq ataaseq katillugit 0,5 ha-isut annertussuseqarpoq.

§ 3 Immikkoortup ilaata atornerqarnera

- 3.1 Sumiiffiup atornerqarnissaa inissianut, niuertarfinnut aamma namminersorluni inuussutissarsiuteqarnermut aalajangersarneqarpoq.

Atuinnermut tunngatillugu aalajangersakkat amerlanerusut sukumiisumik aalajangersakkaniipput.

§ 4 Sanaartugaq

- 4.1 Nutaamik illuliornermi immikkoortup ilaata ataatsimoortuunera eqqarsaatigalugu atortulersuisoqassaaq qalipaasersuisoqarlunilu.

Sanaartukkap inissisimaffissaaa aamma silataata qanoq isikkoqartinneqarnissaa pillugit aalajangersakkat allat ataasiakkaanut aalajangersakkani takuneqarsinnaapput.

§ 5 Inissap sinnerna

- 5.1 Inissap sinnerna tassaavoq kommunimut pilersaarummut tapiliussami ataasiakkaanut aalajangersakkani aalajangersagaasoq.

§ 6 Avatangiisimut piumasaqaat

- 6.1 Immikkoortoq
mingutsinneqarsimasinnaasutut
nalunaarsugaammat peqatigitillugulu
nunaminertap atorneqarnissaa
allanngortinneqarmat
inissiliortoqalersinnagu immikkoortoq
avatangiisimik
naliliiffigineqaqqaassaaq.
Immikkoortumi
inissialiulertoqartinnagu
immikkoortup ilaata
mingutsinneqarsimannginnissaa
qulakkeeqqaarneqassaaq.

*Aqquserngit, aqqusineeqaat biilinullu
uninngasarfiit pillugit
aalajangersakkat allat
aalajangersakkani ataasiakkaani
takuneqarsinnaapput.*

§ 7 Allanngutsaaliugassat

- 7.1 Immikkoortup ilaani illut nunaluunniit
allanngutsaaliugassanik ilaqanngilaq.

AALAJANGERSAKKAT SUKUMIISUT

§ 8 Immikkoortup ilaata atorineqarnera

- 8.1 Immikkoortup ilaa sanaartugartaqassaaq inissiartalinneq, niuertarfittalinneq aamma namminersorluni inuussutissarsiuteqarfittalinneq.
- 8.2 Sanaartukkat nutaat initaat alliit niuertarfittut aamma namminersorluni inuussutissarsiuteqarfittut, tassunga ilanngullugu kiffartuussinermut, café-tut imaluunniit tamakkununga assingusumik avammut sammisunut atuisunullu toqqaannartumik attavilittut atorineqassapput.
- 8.3 Sanaartukkani quleriit sinneri inissiannut taamaallaat atorineqassapput.

§ 9 Sanaartukkat annertussusaat inissinneqarnerallu

- 9.1 Niuertarfeqarfimmi sanaartorfiit nutaat pingasut tunniunneqassapput, taakkulu ilanngussami 2-misut takutinneqartutut 1, 2 aamma 3-mik taagorneqassapput.
- 9.2 Sanaartorfiit taakku tamarmik tunngaviusumik annertussusaat 350 m²-it inulaarpaat.
- 9.3 Sanaartukkat nutaat ilanngussami 2-mi takutinneqartutut sanaartorfinni taamaallaat sananeqassapput.
- 9.4 Sanaartukkap kujammut-kangimut sammisortaa ilanngussaq 2-mi takutinneqartutut eqqaanniittunut attuumatinneqassapput.
- 9.5 Niuertarfeqarfimmi sanaartukkat ataatsimut annertussusaata 4.800 etagemeterit sinnissanngilaat. Taakku imatut agguataarneqassapput:

Sanaartorfik 1:
1700 etagemeterit miss.

Sanaartorfik 2:
1700 etagemeterit miss.

Sanaartorfik 3:
1400 etagemeterit miss.

- 9.6 Sanaartorfiit tamarmik immikkoortunut marluinnut agguataagaapput, tassanilu qaliata qaavanut portunerpaaffissatut sananeqarsinnaasut takuneqarsinnaapput. Immikkoortut taakku portussutsillu ilanngussami 2-mi allassimapput, tassunga ilanngullugit:

Taamaalilluni sanaartorfinni ataasiakkaani sanaartukkat portussutsit tullinnguuttut makku sinnissanngilaat:

Sanaartorfik 1:
1.1 portussuseq 51
1.2 portussuseq 47

Sanaartorfik 2:
2.1 portussuseq 48
2.2 portussuseq 44.

Sanaartorfik 3:
3.1 portussuseq 45
3.2 portussuseq 41

- 9.7 Sumiiffimmi annikitsumik qaartiterisoqarnissaa naatsorsuutigisariaqarpoq, taamaalilluni sanaartukkat atortuulu, aqquserngit, bilinut inissiisarfitt aqqusineeqqallu siunertaqarluartumik inissinneqarsinnaaniassammata. Ilanngussaq 2 takuuk.

§ 10 Sanaartukkat silataasa isikkui

- 10.1 Sanaartugaq qisuttalimmik, igalaaminermik, pladinik cementiusunik, aluminiumik sisammilluunniit sananeqarsinnaavoq.
- 10.2 Sanaartukkanut nutaanut tunngatillugu qalippaatit assigiinngitsut pingasuussapput, qalipaallu ataaseq ininut allernut atorineqassaaq.
- 10.3 Inini allerni niuertarfittalinni allatulluunniit tuniniaavittalinni

	Noorlernut tungaanut silataat minnerpaamik 75%-inngorlugit igalaanik sanaajussapput takutitsivittullu isikkoqassallutik.	10.13	Atortut teknikkitalit, soorlu silaannarissarfiit allallu, illup ilaaniitineqassapput inissinneqarsimassallutillu immikkoortumi takussunarsaataannngitsumik.
10.4	Noorlernut tungaanut illut silataat tikikkuminartuussapput, taamaalluni ajornanngitsumik inini allerni niuertarfinnut tuniniaavinnulluunniit allanut isertoqarsinnaalluni.	§ 11	Aqquserngit, aqqusineeqqat bilinullu inissiisarfiit
10.5	Sumiiffimmi sanaartukkani suliffeqarfinnut taamaallaat tunngasunut allagartarsuarnik nivinngaasoqarsinnaavoq.	11.1	Niuertarfeqarfeqarfiup tungaanut marlunnik annikinnerusunik aqqusineqassaaq, taakkulu ilanngussami 2-mi takutinneqartutut aqqusinioreersumut, Noorlernut, immikkoortup ilaani sanaartukkanut bilinullu inissiisarfinnut atassapput.
10.6	Allagartarsuit ataavartut suliffeqarfiup taaguutaanut atuuffianullu taamaallaat tunngassapput sanaartukkallu qalipaataanut naleqquttuussallutik. Allagartarsuit erfalasulluunniit suliffeqarfiup tunisassiaataanik paasisutissiisut sivikitsuinnarmik atatinneqartassapput suliffeqarfillu matugaangat peerneqartassallutik imaluunniit igalaani saqqummersitsinertut atorneqassallutik.	11.2	Aqqusinnermut, aqqusineeqqanut kiisalu biilnut uninngsarfiit aaqqissorneqassapput ilanngussaq 2-mi takutinneqartutut.
10.7	Allagartarsuit qullerlersorneqarsinnaapput. Qulliit tamakku angallannermut ajoqutaassanngillat eqqaamiunullu toqqaannartumik seqersimasussaanaatik.	11.3	Ilanngussami 2-mi takutinneqartutut bilit bilinut inissiisarfinnut tunniunneqartunut inissinneqartassapput. Bilinut inissiisarfiit ima amerlatigisut sanaartorneqassapput: • Inissiamut ataatsimut inissiisarfik $0,5 > 50 \text{ m}^2$. • Inissiamut ataatsimut inissiisarfik $0,25 < 50 \text{ m}^2$. • allaffimmut 50 m^2-isut angitigisumut inissiisarfik ataaseq. • Niuertarfimmut 50 m^2-isut angitigisumut inissiisarfik ataaseq.
10.8	Aqquserngit aqqusineeqqallu qullilersornerini taakku portunerpaaffimmini 3,5 miiterisut portutigisumiissapput.		
10.9	Seqinnermut alanngiffiit pertiterneqarsinnaassapput taamaallaallu igalaat qulaanniissallutik.		
10.10	Qaliat qaavi assigiimmik sivinganeqassapput sivinganerilu minnerpaamik 7 gradiussallutik.	11.4	Illut immikkuullarissat eqqaat qatserutaasivittut atorneqartussat minnerpaamik miiterinik tallimanik annertutigisut qalliusorneqassapput. Nunaminertat bilinut inissiisarfiit tungaannut aqqusinnermut ilaatinneqarsinnaapput bilinulli inissiiffigineqartussaanaatik.
10.11	Qaliat qaavi qalissianik qernertunik qalissiartaqassapput.		
10.12	Igalaat qalipanneqassanngillat nipititeriffigineqaratilluunniit.		

- | | |
|--|---|
| <p>11.5 Noorlernut sinerlugu pisuinnaat aqquserniortoqassaaq (A-B), soorlu ilanngussami 2-mi takutinneqartutut.</p> <p>11.6 Illoqarfiup ilaa tamakkerlugu tukimut aqqusineeraliortoqassaat (C-D), soorlu ilanngussami 2-mi takutinneqartutut.</p> <p>11.7 Aqqusineeqqanik nunaminertanullu ataatsimoorussasanik nutaanik qalliusersuinissamut pilersaarut kommunalbestyrelsimit inaarutaasumik akuerineqartussanngorlugu saqqummiunneqassaaq.</p> <p>§ 12 Nunaminertat sanaartorfigineqanngitsut</p> <p>12.1 Nunaminertat sanaartorfigineqanngitsut, qalliusersukkat, aqqusermi atortut allaluunniit sanaartornermit imaluunniit allatut suliaqarnermi innarlerneqarsimasut isikkumittut ilerseqqinneqassapput. Sanaartorfigissaanerni sanaartornernilu nuna sapinngisaaq tamaat mianersuunneqassaaq. Nuna innarlerneqarsimasooq qalliuserneqarsimanngitsorlu isikkuatut ilerseqqinneqassaaq sumiiffillu qaartiternerlukunik qaartiterinermit assartuinermiluunniit siaruarsimasinnaasunik salinneqassaaq.</p> <p>12.2 Sanaartukkat silataanni imaluunniit nunaminertani immikkut assiaqusersukkani inaalissuisoqassanngilaq. Taamaalilluni nunaminertat sanaartorfigineqanngitsut sunilluunniit sivilisunerusumik inaalitsivigineqassanngillat, nunaminertaq immikkut assiaqusersugaq siunertamut atorneqartussaaq eqqaassanngikkaanni, tamannalu Kommuneqarfik Sermersuumit akuerineqarsimassaaq.</p> | <p>12.3 Nunaminertat sanaartorfigineqanngitsut siunertanut allanut tunniunneqarsimanngitsut nunaminertatut ataatsimoorussassatut taamaallaat aaqquissuunneqassapput atorneqassallutillu.</p> <p>12.4 Ilanngussami 2-mi takutinneqartutut pinnguarterfiliortoqassaaq.</p> <p>§ 13 Teknikkimut atortut</p> <p>13.1 Teknikkikkut pilersuutit, soorlu kuuffissuit, innaallagaaq imermillu pilersuutit taamaallaat nunap iluatigooortinneqassapput.</p> <p>13.2 Sanaartukkat tamarmik pisortat kuuffissuaataannut imermillu pilersuutitut attavilerneqassapput.</p> <p>13.3 Nutaanik ledningilersuineq allanngortiterinerluunniit ledningimik piginnittumik siunersioqatiginneqqaarluni pissaaq.</p> <p>13.4 Imikoorut qasertoq qernertorlu kuuffissuakkoortinneqassaaq. Taamaattorli nunap qaaniittoq imeq, imeq sulluliakkkoortoq aamma qaliat qaavisa imertaat kuuffissuarnut kuutsinneqassanngillat, kisiannili sanaartukkanut, aqqusernut, aqqusineeqqanut, nunaminertanut sanaartorfigineqanngitsunut ajoqutaanngitsumik kuutsinneqassalluni, assersuutigalugu kussiornikkut.</p> <p>13.5 Sanaartukkat nutaat allajangersimasumik innaallagissamik kiassaatinut imaluunniit avatangiisinut ajoqutaanngitsumik nukissiuutitut, assersuutigalugu seqerngup nukinganik imaluunniit ungasianit kiassaatinut attavilerneqassapput.</p> <p>13.6 Immikkoortup ilaani aqquserngit, illoqannginnersat aqqusineeqqallu qullilersorneqassapput.</p> <p>13.7 Silami antennit, parabolit, antenninut napparussuit assigisaalluunniit Noorlernumiit</p> |
|--|---|

	takuneqarsinnaasunngorlugit illut silataannut, teqeqquinut qaliallu qaavinut inissinneqassanngillat.	nunaminertat inuussutissarsiuteqarfiusut nutaat affaat tunniunneqareerpata.
13.8	Teknikkimut atortut, soorlu innaallagissamik siammarteriviit, pisariaqartitsineq malillugu aamma teknikmik atortunik ledninginillu piginnittoq isumaqatigalugu pilersinneqarsinnaapput.	15.4 Peqatigiiffiup immikkoortup ilaani aqquserngit, illoqannginnerisat, aqqusineqqat nunaminertallu sanaartorfigineqanngitsut aserfallatsaaliussavai (tassunga ilanngullu ukiuunerani) tamakkulu pillugit nammineq malittarisassiussalluni.
§ 14 Avatangiisinut tunngasut		15.5 Peqatigiiffiup ingerlaavartumik Kommuneqarfik Sermersooq sumi angerlarsimaffeqarnerminik nalunaarfigisassavaa.
14.1	Eqqakkanik immikkoortiterineq kiisalu avatangiisimut ulorianaatillit peerneqartarnerat Kommuneqarfik Sermersuup sukkulluunniit eqqakkanut malittarisassai malillugit suliarineqassapput.	§ 16 Atuilernissamut piumasaqaatit
14.2	Eqqakkanut katersuiviit aaneqartartussat aamma igitanut angisuunut inissiiviit illup ilaaniitinneqassapput.	16.1 Nutaamik sanaartugaq atulersinneqasinnaanngilaq biilinut uninngasarfiit § 13.3-mi piumasarineqartut pilersinneqarsimatinnagit.
14.3	Sanatitsisup akisussaaffigivaa qulakkiissalugu immikkoortup ilaata mingutsinneqarsimannginneranik mingutserneqarsimannginneranilluunniit uppersaassalluni. Mingutsitsisoqarsimassappat aamma inissialiulinnginnermi saliisitsineq sanatitsisumit akisussaaffigineqassaaq.	16.2 Sanaartukkat nutaat pisortat kuuffissuaataannut aamma imermik pilersutaannut attavilerneqartinnagit sanaartukkat nutaat atorineqalissanngillat.
§ 15 Piginnittut peqatigiiffiat		16.3 § 7.1 naammasseqqaartinnagu sanaartukkat nutaat atorineqalissanngillat.
15.1	Immikkoortup ilaani ataatsimut soqutigisanik isumaginnittussamik peqatigiiffiliortoqassaaq.	16.4 Sanaartorfiit atorunnaarseqqaartinnagit sanaartukkat nutaat atorineqalissanngillat.
15.2	Immikkoortup ilaani nunaminertanik/inissianik inuussutissarsiuteqarfiusunik piginnittut piginnittut peqatigiiffianut tassunga ilaasortaassapput.	§ 17 Illoqarfiup ilaanut pilersaarutini atorunnaarsitsineq
15.3	Piginnittut ilaasortaasussaataasut ikinnerpaamik affaasa kissaatigippassuk piginnittut peqatigiiffiat pilersinneqassaaq, kingusinnerpaamilli kommunimut pilersaarummut tapiliussaq malillugu	17.1 Kommunimut pilersaarummut tapiliussap, 1C27-1, Noorlernut, akuerineqartup tamanut saqqummiunneqarneratigut illoqarfiup ilaanut pilersaarutini, 1C4-1, aamma 1C6-2, atuuttut ilaat kommunimut pilersaarummut tapiliussamut

attuumassuteqartut
atorunnaarsinnneqarput.

AKUERSISSUTEQARNEQ

Matumuuna Kommunimut pilersaarummut tapiliussaq, 1C27-1, ulloq 18.8.2009 Kommuneqarfik Sermersuup Kommunalbestyrelsianut akuerineqarpoq.

Kommuneqarfik Sermersooq ulloq 21/9-09




Asii Chemnitz Narup
borgmesteri

/



Thorkild M. R. Lauridsen
pisortaanerugallartoq

Kommunimut pilersaarummut tapiliussaq 1C27-1, Noorlernut, inaarutaasumik atortussanngortillugu tamanut saqqummiunneqarpoq ulloq 23.september 2009.




KOMMUNEQARFIK SERMERSSOOQ
 Sanarfinermut avatangisinnullu ingerlatsivik
 Anlægs- og Miljøforvaltningen

Kommunimut pilersaarummut tapiliussaq IC7-I
 Kommuneplantillæg IC27-I

Illanngussaq I Sumiiffiup ilaa pisutsillu pioreersut
 September 2009
 Uttuut 1:1000
 A4







KOMMUNEQARFIK SERMERSSOOQ
 Sanarfinermut avatangisinnullu ingerlatsivik
 Anlægs- og Miljøforvaltningen

Kommunimut pilersaarummut tapiliussaq IC27-I
 Kommuneplantillæg IC27-I

Illanngussaq 3 Nunap assinganik takussutissat
 September 2009
 Uttuut 1:1000
 A4




KOMMUNIMUT TAPILIUSSAQ

PILERSAARUMMUT

1C8-6

Nuummi illoqarfiup qeqqa

Novembari 2011



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Anlægs- og Miljøforvaltningen

Imarisai

ILITSERSUUT	3
NASSUIAAT	4
Tunuliaqutaasoq	4
Pilersaaruteqarfiusoq.....	6
Pilersaarummi siunertat imarisaalu	8
Pilersaarummut allanut sanilliullugu inissisimanera.....	13
Teknikkimik pilersuutit.....	13
Pilersaarutip inatsisitigut sunniutigigallagai	14
Pilersaarutip inatsisigut inaarutaasumik sunniutai	14
AALAJANGERSAKKAT	16
AALAJANGERSAKKAT	16
PINGAARNERIT	16
§ 1 Kommunimut pilersaarummut tapiliussami siunertarineqartut.....	16
§ 2 Kommunimut pilersaarummut tapiliussami immikkoortup ilaa agguataarneqarneralu...	14
§ 3 Immikkoortup ilaata atorneqarnera	15
§ 4 Sanaartukkat/Illut	15
§ 5 Illoqarfimmik nutarterineq ingitserinerlu.....	15
§ 6 Immikkoortup ilaani aqqusinertigut angallanneq	15
AALAJANGERSAKKAT SUKUMIISUT	18
§ 7 Sumiiffiup atorneqarnera	18
§ 8 Sanaartukkat/Illut annertussusiat inissinneqarnerallu	16
§ 9 Sanaartukkat/Illut silataasa isikkui.....	17
§ 10 Aqquserngit, aqqusineqqat biilinullu inissiisarfiit	18
§ 11 Nunaminertat sanaartorfigineqanngitsut	18
§ 12 Teknikkikkut atortulersuutit.....	21
§ 13 Avatangiisini pissutsit	21
§ 14 Atuilermissamut piumasaqaatit	19
§ 15 Illoqarfiup ilaanut pilersaarummik aamma kommunimut pilersaarummut tapiliussamik atorunnaarsitsineq	19
AKUERSISSUTERQARNEQ	23

ILANNGUSSAT

Ilanngussaq 1:	Immikkoortup ilaa 1C8-6 Pissutsit pioreersut
Ilanngussaq 2:	Sanaartorfiit sanaartukkallu portussusiat
Ilanngussaq 3:	Nunaminertat soqutigisaqaqatigiiffiusut
Ilanngussaq 4:	B-282 Maximut & B-82 Oles Varehus. Isikkanik uuttuutit
Ilanngussaq 5:	Titartakkat

ILITSERSUUT

Kommunimut pilersaarummut tapiliussami nunaminertat, sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq atorneqassanersut, inissinneqassanersut ilusilersorneqassanersullu aalajangersarneqartarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussami siunertat anguniakkallu, sumiiffimmi eqqaanilu pissutsit pioreersut kiisalu kommunimut pilersaarummut tapiliussap pilersaarutitut allanut tunngatillugu qanoq inissisimanera naatsumik allaaserineqartarput.

Kommunimut pilersaarummut tapiliussami aalajangersakkat aalajangersakkanut pingaarnertut sukumiisunullu agguataagaapput. Aalajangersakkat tamarmik pituttuisuupput, taamaattorli sukumiisumik aalajangersakkanit immikkut ittumik akuersissuteqartoqarsinnaasarpog.

Nunaminertanik atuineq pilersaarusiorterlu pillugit Inatsisartut peqqussutaat nr. 11, 5. decembari 2008-meersoq nalunaarut nr. 76, 26. februaari 2009-meersoq naapertorlugit kommunalbestyrelse kommunimut pilersaarummut tapiliussaliortussaataavoq:

- *Kommunimut pilersaarutip piviusunngortinneqarnissaanut qulakkeerinninnissaq pisariaqartinneqaleraangat.*
- *Sanaartukkat imaluunniit nunaminertanik tunniussuinerit aallartinneqannginnerini.*

Kommunimut pilersaarummut tapiliussaliortussaataanermit pilersaarusiortermit annertunerusumik ataqatigiissaarisogarnissaa aammalu innuttaasut tamatumani peqataatinneqarnissaasa anguniarneqarnissaa siunertaavoq.

Taamaattumik kommunimut pilersaarummut tapiliussaq sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat pilersaarut inaarutaasumik akuersissutigineqartinnagu kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai.

Kommunimut pilersaarummut tapiliussami inatsisitigut atuuffiit kommunimut pilersaarummut tapiliussami sukumiinerusumik allaaserineqarput.

NASSUIAAT

Tunuliaqutaasoq

2009-mi novembarimi Nuup illoqarfiata ilaani 1C8-5-imi, Nuummi illoqarfiup qeqqa, § 24 malillugu inerteqquteqartoqassasoq Kommunalbestyrelse aalajangiivoq, aalajangiinermi sanaartorfiit tullinnguuttut uku toqqarneqarnissaat siunertarineqarpoq:

- B-2039 Maximut
- B-282 Oles Varehus

Sanaartorfiit taakku sumiiffiit pineqartut pillugit kommunimut pilersaarummi sukumiisunik aalajangersaanissat siunertaralugit toqqarneqarput. Tamatuma saniatigut sumiiffinnut immikkuualuttunut pilersaarutinit nutaanut siunertanut akerliusunik pilersitsisoqannginnissaa aamma nunaminertanik sumiiffimmi atuuffiit ilutsillu eqqarsaatigineqarnissaat qulakkeerneqassaaq.

Ingerlariaqqinnissaq

Siunissaq ungasinnerusoq eqqarsaatigalugu Imanermi pisinnaat aqqutaannut tamarmut pilersaarusiornissaq kommunalbestyrelsimit kissaatigineqarpoq. Immaqa illussanik titartaasartut/eqqumiitsuliortut unammisinneqarnerisigut. Tassunga tunngatillugu Kommuneqarfik Sermersooq aamma illoqarfimmik inerisaavimmi containerimik paasissutissiivimmik

iluaquserluni siunissami illoqarfiup qeqqanik ineriartortitsinissaq pillugu innuttaasunik oqaloqatiginninnerit aallartinneqarput. Tassani pitsaanerusemik oqaloqatigiinnissat innuttaasullu siunissami ingerlaatsimik piginnittuulernissaat neriutugalugit.



Figur 1, B-2039 aamma B-282 2010-mi aasakkut


Pilersaaruteqarfiusoq

Pilersaaruteqarfiusoq oqaluttuarisaanikkut titarnerup Nuutoqqamiiit umiarsualiviup tungaanoortup qeqqanut inissitaavoq, figur 2 takuuk.



Figur 2 Oqaluttuarisaanermi titartarneq

Pilersaaruteqarfiusoq avannamut Kuussuarmut, kangimut Aqqusinersuarmut, kujammut Samuel Kleinschmidt-p Aqqutaanut kimmullu Ilivinnguamut killeqarfeqarpoq. Pilersaaruteqarfimmi niuertarfeqarpoq, inuussutissarsiuutigalugu illoqarpoq aamma Nunatta Atuagaateqarfia tassaniippoq. Kommunimut pilersaarummut tapiliussaqaarfik 4,6 ha-rit missaanni annertussuseqarpoq Nuullu illoqarfiata qeqqaniilluni.



Figur 3, Immikkoortup ilaa 1C8-6

Sanaartukkat

Nuummi illoqarfiup qeqqani sanaartukkat amerlanersaat kangimut-kimmut samiisuupput takisuut sumiiffillu tukimut napillugu inissisisimallutik. Sanaartukkat amerlanersaat marlunnik quleriupput qaliaat atorneqarlutik. B-3152 (Hotel Nuuk nutaanngitsoq), B-1918 (GrønlandsBANKEN) aamma B-350 (Telep illorsuaataa) Imaneq sinerlugu illorsuupput portusuut Nuummi Illoqarfiup qeqqaniupput arfineq-marlunniit qulingiluanut quleriuullutik.



Figur 4, Imaneq, kujammut isigaluni, 2010-mi aasakkut

Eriaginninneq

Immikkoortup ilaani illunik eriagisarialinnik peqartoqanngilaq.

Immikkoortup ilaata avatangiisai

Pilersaarutaasussat eqqarsaatigalugit maannakkut Kommuneqarfik Sermersuumi Tuujummut ataatsimoortumik pilersaarusiortoqarpoq. Pilersaarutip Nuummi tamarmi aqqusinertigut angallannerni pisuusaartitsinerit tamaasa attussavai, siunissami niuertarfeqarfissaq ”Antuukasik” immikkoortup ilaata avannaatungaaniittoq, Narsarsuaq aamma Blok P, Qullilerfik aamma Sipisat Avannarleq, taanna immikkoortup ilaata kujataatungaanut inissitaavoq. Ataatsimoortumik pilersaarutip 2010-p naanerani tamanut nalunaarutigineqarnissaa naatsorsuutigineqarpoq.

Nunap isikkua nunataalu

Sumiiffik manimajaajuvoq. Imaneq sinerlugu illoqannginnersamiit 2-miit (figur 5 takuuk) Telepostip illorsuuaassuata tungaanut 2 meterit missaanni portuserianeqarpoq. Tamatuma saniatigut Imaneq Katersortarfiup tungaanut portusiartuaaginnarpoq. Immikkoortup ilaa aqqusinernik angallaffioqisunik avatangiiseqarpoq. Imanermi pisuinnaat aqqaannit avannamut/kujammukaartumik killeqarfeqarluni. Immikkoortup ilaani kussiugarsuit arlaliupput tamakkulu siunissaq ungasinnerusoq eqqarsaatigalugu aqqusinertigut pisuinnarlutik sikkilerlutillu angallattut iluarsiifiginiarlugit allanngortiterneqassapput.

Naasut nunamilu pissutsit

Immikkoortup ilaa killilimmik naasoqarpoq. Sumiiffik ullumikkut ujaqqersugaavoq, asfaltisugaavoq, betonilersugaavoq aamma KB-nik ujaqqersugaavoq.

Seqineq, isikkiviit anorillu

Imaneq ukioq kaajallallugu nalunaaquttap akunerpassuini seqinnerfigineqartarpoq. Naapittarfilli ullup ilarujussuani imminnut qanittumik sanaartukkat pissutigalugit alanngortamiittarpoq.

Imaneq anorituujusinnaavoq, tassami tassani anorit avannaq kippasimmik aamma kujasik kangisimmik anorersuit takkuffigisaramikku. Taamaattumik alanngortat saqqaartallu Nuummi siunissami illoqarfiup qeqqanut pingaaruteqartorujussuupput.

Pilersaarummi siunertat imarisaalu

Kommunimut pilersaarummut tapiliussami matumani B-2039-p aamma B-282-ip siunissami allineqarnissaannut periarfissanik takutitsinissaq aamma Imanerup, Naapittarfiup, Umiartortut Aqquataa illoqarfimmilu illoqannginnersat marluusut (figur 5) illoqarfittut avatangiisai ersarinnerulersinneqarnissaat siunertarineqarpoq.

Kommunimut pilersaarummut tapiliussami sumiiffimmi sanaartukkat quleriit pingasut missaanniittut ataqatigiissutut sanaartukkanillu ataasiakkaanik sanaartukkanit allanit portunerusortalinnik akunnilitut isikkoqarnissaat siunertarineqarpoq. Sanaartukkat silammut pisuinnaat illoqannginnersanullu "1" aamma "2"-mut isikkiveqarlutik oqitsunik silateqartutut isikkoqartinneqarnissaat kissaatigineqarpoq.

Inoqarfik

Illoqarfiup qeqqa sammisassaqarnissamut, seqinnisaarnissamut oqquisimaarnissamullu pilerinartuussaaq. Illoqarfiup qeqqa nuannersunik tulluusimaarutigisinnaasatsinnillu illoqannginnersartaqassaaq. Illoqarfiup qeqqani biilini angallattoqannginnerulernissaa kommunalbestyrelsimi kissaatigineqarmat – Nuuk "qorsuttut" illoqarfinngorniassammat – biilinit inissiisarfiit "2-miittut" (figur 8 takuuk) pisuinnarnut, niuernianut illoqarfiullu qeqqani nalinginnaasumik inuunermut iluaqutaasumik illoqannginnersamit nuunneqassapput.



Figur 5, Nunaminertaq soqutigisaqaqatigiiffiusoq A

Oqartussaaffiginninneq agguataarinerlu

Immikkoortup ilaa nunaminertatut soqutigisaqaqatigiiffiusutut agguataagaavoq, A aamma B-mut, figur 5 aamma 6 takukkit.


Tassaniipput illoqarfiup qeqqani pisuinnaat aqquataasa avatangiisaat illoqannginnersallu pingaarnerit marluk 1) Katerittarfik Amisut aamma 2) GrønlandsBANKEN-ip niuertarfeqarfiullu nutaap B-1809-p saavanni illoqannginnersaq.

Illoqannginnersap 1-ip) ilusilersugaq "Amisut" niuertarfinnik avatangiisilik ilisarnaatigaa. Aasaanerani *illoqannginnersami issiavinnik takisuunik atorluarneqartartunik inissiisoqartarpoq.*

Illoqannginnersaq 2) Nuummi qitiusumik illoqannginnersanngortinneqarsinnaavoq, tassami taanna kujammut sammigami, seqinnertarluni oqqiusumiillunilu.

Illoqannginnersat marluk taakku akornanni aqqusineqarpoq, tassaappullu Naapittarfik aamma Umiartortut Aqquataat.

Imanermi pisinnaat aqqusernata illoqarfiup qeqqani pisinnaarnut sikkilertunullu pingaarnertut aqqutaanini ilisarnaatigaa.



Figur 6, Nunaminertaq soqutigisaqatigiiffiusoq B

Imaneq oqaluttuarisaanermi titarnerup ilagaa titarnerullu Nuutoqag umiarsualivillu

imminnut atassuteqartippai.


Aqqusernioreersut biilinullu inissiisarfioreersut aamma B-1753 illuttut saneqqullugu biilinit inissiisarfinnut nutaanut marlunnut aqquserngit nutaat marluk takutippai.

Sanaartukkat

Siunissami sanaartugassat kommunimut pilersaarummut tapiliussami sanaartorfinnut inissinneqassapput. Sanaartukkat sanaartorneqarunik portunerpaaffimmikkut pingasunik quleriunissaat qulakkeerneqarpoq. Kommunimut pilersaarummut tapiliussamili sanaartukkat portussusiat pillugu aalajangersakkat assigiinngitsuusinnaapput.

Sanaartorfinnut B-2039 aamma B-282-mut tullinnguuttut makku atuupput:


Figur 7, B-2039 Maximut aamma B-1809 Oles Varehus allilernerqarsinnaanerannut periarfissat tunngaviusut



B-2039 portussuseq 37,5 atorlugu kissaatigineqarpallu B-1809-mut ataatsimoortillugu sananeqarsinnaavoq, figur 7 takuuk. Alliliinissamut periarfissat aalajangersarneqarput, § 11 takuuk.

B-282 avannamut allineqarsinnaavoq, alliliineq sanaartorfiup iluaniiginnassappat. Portussusioereersoq 34,38 sipporlugu portussusiliisoqassanngilaq. Figur 7 takuuk. Alliliinissamut periarfissat aalajangersarneqarput, § 11 takuuk.

Siunissami alliliinissani qalipaatinik atorussanillu toqqaanerni tamakku avatangiiserisanut assingutinneqassapput.




Figur 8, Siunissami biilnut inissiisarfijumaartussat

*Aqqusinertigut angallannermi
pissutsit/ Aqquserngit
aqqusineeqqqallu*

Biilnut inissiisarfissatut atugassiissutigineqartunut biilit tamarmik ingerlasassapput. Siunissami pisinnaat aqquataanni biilnik angallannerit ikilisinneqarnissaat qulakkeerneqassaaq. Nioqqutissanik assartuisarnerit niuertarfiit ammanerisa nalaanni taamaallaat pisarnissaat anguniarneqassaaq. Imanermi biilnik angallanneq annikillisinniarlugu B-1753-p saniani illuttut nutaanik marlunnik biilnut

inissiisarfiliortoqassaaq. Tamatuma saniatigut sumiiffimmi illorsuarmik biilnut inissiisarfiliortoqarsinnaavoq. Tamanna ilutigalugu sumiiffimmi niuertarfinnut / illunut inuussutissarsiuteqarfiusunut nioqqutissanik assartuinernut eqqaavilerinissanullu inissaqartitsisoqassaaq. B-1941-p aamma B-3152-ip, Hotel Nuuk, akornanni biilnut inissiisarfik atugassiissutigineqarpoq. Sumiiffimmi aamma niuertarfinnut inuussutissarsiutigalugulu illuutitut eqqaamiorisanut nioqqutissanik tikiussuiffiusumik eqqagassalerinermilu atugassamik nunaminertamik inissaqartitsisoqassaaq. Orsersortarfik B-1746 avatangiisinik pitsanngorsaanermi siunissami ingitserneqarsinnaasariaqarpoq immikkoortullu ilaani biilnut inissiisarfinnik amerlanernik inissaqartitsilerluni. Benzinamik/solaarimik orsersortarfik inuttaqanngitsoq illoqannginnersami periarfissaajuaannassaaq.



Figur 9, Biilnut inissiisarfinnut nutaanut aqqusineq nutaaq

*Nunap ilusaa / Nunaminertat
sanaartorfigeqqusaanngitsut*

Imaneq, Naapittarfik aamma Umiartortut Aqquataat pisinnaat aqquataattut, uninngaartarfittut, takisuunik issiaveqarfittut aqqummilu qullittut atugassiissutigineqarput

aammalu tuniniaaveqarsinnaaner at silamilu sassaallerfiusinnaaner at periarfissillugit.

Illoqannginnersat

Illoqannginnersaq 1 ”Katerittarfik Amisut” aamma illoqannginnersaq 2, figur 5 takuuk, sammisassanik assigiinngitsunik neqerooruteqarfiusutut uninngaarnissamut pilerinartuussapput. Ukiup qanoq ilinera apeqqutaatillugu sammisassanik assigiinngitsunik neqerooruteqartoqartassaaq. Aasakkut niuertarfiit silatiminni aqutit tuniniaavinngorlugit niuertarfinnut ilanngussinnaavaat imaluunniit sapaatit akunnikkuutaartumik nipilersortulinnik qitiusumik illoqannginnersani tuniniaasoqartarsinnaavoq. Ukiukkut illoqannginnersani kulturikkut sammisassaqtitsisoqarsinnaavoq, aputinik ilusilersuisoqarsinnaavoq, juullilernerani tuniniaasoqarsinnaavoq, apummi pinnguartarfeqarsinnaavoq kælkinullu sisoraarfiliortoqarsinnaalluni. Ukiup taarnera illoqarfiup qeqqani qullernik aamma misileraaffissaqqeqaaq tamakkulu uninngaarnissamut pilerinartuusinnaapput. Ukiumi aasamilu Imanermi ataatsimoorutaasut tassaassapput periarfissaqarfiusuni oqquisimaarnerit seqinnisaarnerillu aammalu ulloq unnuarlu uummaarissuuffiussaaq. Sumiiffimmi pisuinnarnut atugassiissutigineqartumi sanaartortoqarsinnaassanngilaq.



Figur 10, Reykjavikimi cafe



Figur 11, Illoqarfimmi illoqannginnersani issiaarfissanik pingaarnernik; issiavinnik takisuunik issiaviinnarnillu neqerooruteqartoqassaaq aammali issiaarfiusinnaasunik allarpassuarnik peqarpoq, soorlu tummeqqat, toqqaviit, eqqaassutissat il.il. (Najoqqutaq: Jan Gehl)



Figur 12, Illoqarfimmi pequtit eqqumiitsuliat (Najoqqutaq: Jan Gehl)



Figur 13, Schweizimi illoqannginnersami perusuersartarfik.

Nuummi illoqarfiup qeqqani
perusuersartarfiit
Siunissami Imanermi pisinnaat aqqutaannik
suliarinninnissani illoqarfiup qeqqani
kikkunnut tamanut
perusuersarfiliortoqarsinnaanera
pisariaqartinneqarnersoq Kommuneqarfik
Sermersuumi misissorneqassaaq
(isummersornissamut figur 12 takuuk).

Nuummi illoqarfiup qeqqani
tuniniaaviit/nuisitsiviit aalajangersimasut

Namminersorlutik inuussutissarsiuteqartunut
oqilisaaniarluni pisinnaat aqqutaanni
tuniniaanissanut issiaarfiusinnaasunik
pilersitsisoqarnissaanut kommunimut
pilersaarummut tapiliussami niuertarfiit
ataasiakkaat silataanni tuniniaavinnut
atugassiisoqassaaq. Ilanngussaq 2 takuuk.



Figur 14, Qamutit motoorillit cafétut atortut.
Tuniniaavittut assersuut



Figur 15



Figur 16



Figur 17

Avatangiisit

Kommunalbestyrelsip Nuup illoqarfittut
”qorsuusutut” politikikkut pingaarnertut
anguniagarimmagu Kommuneqarfik
Sermersuumi avatangiisinut
immikkoortortami illoqarfiup qeqqani biilnik
angallannerit ikilisarniarlugit
pilersarusiortoqarpoq.
Pisuusaartitsinernik misissueqqissaarinerit
2010-mi naammassineqarnissaat

naatsorsuutigineqarpoq. 2011-mi
pisuusaartitsineq kommunip avatangiisit
pillugit pilersaarutaanut ilanngunneqartussaq
pisuusaartitsineq toqqarneqassaaq.

Pilersaarummut allanut sanilliullugu inissisimanera

*Nuna tamakkerlugu
pileraaruserneq*

Kommunimut pilersaarummut tapiliussaq
nuna tamakkerlugu pileraarusernertut
atuuttunut naapertuuppoq.

*Kommunimut pilersaarut 2005-2014
Immikkoortup ilaa Kommunimut
pileraarummut 2005 – 2014-mut,
immikkoortoq killiliussaq 1C8, Nuup
illoqarfiata qeqqanut
ilaatinneqarpoq. Kommunimut
pileraarut naapertorlugu
immikkuualuttooreersumi B-282-ip, B-
1809-p aamma B-2039-p eqqaa
quleriinnut sisamanut sanaartukkanik
eqiterisoqarsinnaavoq. Tamanna
quleriinnut pingasunngorlugu
allanngortinneqarpoq. Init alliit quleriinni
quleriit siulliattut naatsorsuutigineqarlutik.*

Kommunimut pilersaarutit/illoqarfiup ilaanut pilersaarutit allat

Tuujummut, 1A8 Narsarsuarmut aamma Blok
P-mut ataatsimoortumik pileraarutit
titartarlugu pileraaruseriatut 2011-mi
naammassineqarnissaa
naatsorsuutigineqarpoq. Illoqarfiup qeqqa
pillugu pingaarnermik pileraaruteqalissaaq
taannalu aqqusinertigut angallannermut,
ingerlaatsimut Nuullu qeqqani sanaartukkat
amerlanersaannut tunngatillugu ilutsinut
tunngassuteqassaaq.

Immikkoortup ilaa illoqarfiup ilaanut
pileraarutaareersumut 1C8-5-imut, Nuup
illoqarfiata qeqqanut ilaatinneqarpoq.

Kommunimut pilersaarummut tapiliussap
1C8-6-p, Nuummi illoqarfiup qeqqa,
inaarutaasumik akuerineqarneratigut
Illoqarfiup ilaanut pilersaarut 1C8-5, Nuup
illoqarfiata qeqqa atorunnaarsinneqarpoq.

Teknikkimik pilersuutit

Pilersuinermtut aqqutit, soorlu
innaallagissamut, imermut kiassanermullu,
sapiingisamik nunap iluatigoortinneqassapput
taakkulu ataqqineqassapput qaavinilu
sanaartortoqassanani assiaqusersuisoqaranilu.
Aqqutinik piginnittumut
aningaasartuutaanngitsumik alla aqqutinik
allannguisagaluarpas tamanna pissaaq kiisalu
piginnittoq aatsaat isumasioqqaarlugu
innersuussutai malittarisassaalu malillugit.

Immikkoortup iluani teknikkimik atortu-
lersuisoqarsinnaavoq, aamma innaalla-
gissamik siammaaviusut sumiiffimmut
pilersuisuusut ilanngullugit. Innaallagissamik
siammaaviup inissinnissaa Nukissiorfiit
isumaqatigalugu pissaaq.

Kiassarneq

Immikkoortoq innaallagissamoortumik unga-
sissumiilluunniit kiassarneqassaaq, imaluun-
niit avatangiisimut ajoqutaanngitsumik
nukissiummit, soorlu seqernup kissarneranit,
nunap iluanit il.il. kiassanerit
atorneqarsinnaapput.

Sanatitsisup/Nunaminertamik atugassinne-
qartup oqartussat allat akuersissutaat
pisariaqartinneqartut pissarsiarinnissai
nammineq akisussaaffigivaa, soorlu
kiassaariaaseq sukkulluunniit atortumut
attavilersinnissamut.

Imeq

Immikkoortoq imermik pilersorneqassaaq
pisortat imermik pilersuutaat aqqutigalugu..

Imikoorut

Immikkoortoq kommunip kuuffissuinut
attaveqartinneqassaaq.

*Imikoorut qasertoq tamaat
kuuffissuakkoortinneqassaaq. Nunap
qaani illullu qaavini imeq kuuffissuak-
koortinneqassanngilaq,
kuutsinneqassallunili eqqaani illut,
aqquserngit, aqqusineeqqat
nunaminertallu sanaartorfiunngitsut
akornu-sernagit,
kussinikkoortinneqarsinnaapput.*

Eqqagassalerineq

Inissiani suliffeqarfinnilu tamani
eqqaavilerfiit atorneqassapput imaluunniit
eqqakkanut containerinut
inissaqartitsisoqassaaq kommunip eqqakkanut
malittarisassai malillugit.

*Biilinit uninngasarfinni eqqakkanut
contai-nerinik inissiisoqaaqusaanngilaq.*

Malitassat atuuttut malinneqassapput.

Pilersaarutip inatsisitigut sunniutigallagai

Tamanut saqqummiunneqarpat taava
nunaminertat, illut atortullu kommunimut
pilersaarummut tapiliussatut siunnersuummi
ilaatinneqartut atorneqarsinnaassanngillat
imaluunniit
sanaartorfigineqarsinnaassanngillat
kommunimut pilersaarummut tapiliussap
inaarutaasup aalajangersagartaanik
unioqutitsisumik. Inatsisinik
atortitsigallarneq atuutissaaq inaarutaasumik
kommunimut pilersaarummut tapiliussap
akuersissutigineqarnissaata tungaanut –
sivisunerpaamilli siunnersuumik tamanut
saqqummiussinermiit ukioq ataaseq.

Akerliliissuteqarsinnaanermut piffissarititap
naanerani akerliliissuteqartoqarsimanngippat
kommunalbestyrelsimit nunaminertat
kommunimut pilersaarummut tapiliussami
ilaatinneqartut atorneqarsinnaanerat
kommunalbestyrelsimit
akuersissuteqarsinnaavoq, tamanna kommunimut
pilersaarummut tapiliussamut
naapertuuttumik unioqutitsinngitsumillu
pippat.

Pilersaarutip inatsisitigut inaarutaasumik sunniutai

Kommunalbestyrelsimit kommunimut
pilersaarummut tapiliussaq inaarutaasumik
akuersissutigineqarpat tamanullu
saqqummiunneqarluni, taava nunaminertat,
illut atortullu kommunimut pilersaarummut
tapiliussatut siunnersuummi ilaatinneqartut
taamaallaat atorneqarsinnaapput imaluunniit
sanaartorfigineqarsinnaapput kommunimut
pilersaarummut tapiliussami aalajangersakkat
naapertorlugit.

Immikkut pisoqartillugu malinninnginnerit
annikitsut immikkut ittumik akuersissutigine-
qarsinnaapput. Malinninnginnerilli annerusut
pitillugit tamanna nutaamik kommunimut
pilersaarummut tapiliussamik
pisariaqartitsissaaq.

Kommunimut pilersaarummut tapiliussami
imminermi nunaminertat, illut atortullu
ilaatinneqartut imaanngilaq pinngitsoorani
pilersinneqassasut.

Nunaminertanik, illunik atortunillu malittari-
sassat malillugit atuineq ingerlatinname-
qarsinnaavoq.

Akerlianik assersuutigalugu allatut atuineq
imaluunniit nutaamik sanaartugaq
kommunimut pilersaarummut tapiliussamut
unioqutitsisumik pisinnaanngilaq.

Tamanut nalunaarutiginninneq

Siunnersuut, Kommunimut pilersaarummut tapiliussaq 1C8-6, piffissami 2010-mi novembarip ulluisa 24-aniit 2011-imi januaarip ulluisa aqqarnata tungaanut tamanit oqallisigineqartussanngorlugu saqqummiunneqarpoq.

Oqallisigineqarnissaanut piffissaliussami siunnersuut pillugu akerliliissutit oqaaseqaatillu katillugit tusarniaaffigineqartunit aqqaniliusunit takkussimapput. Akerliussuteqartut amerlanersaasa allagartarsualersuinissat, illut silataasa qalipaatisaat aamma illoqarfiup qeqqan biilinit inissiisarfeqannginnissaa eqqarsarnartoqartippaat. Nuna tamakkerlugu pilersaarusiortarfimmit aqqissuisoqarnermut aamma nassuiaatinut tunngasunik oqaaseqaateqartoqarpoq.

Kommunalbestyrelsip 2011-mi juunip ulluisa arfineq aappaani ataatsimiinnermini kommunimut pilersaarummut tapiliussaq oqaluuseraa aamma aalajangersagartaani allannguutit tulinnguuttut makku allannguutigineqarnissaat akuersissutigalugit.

- Aalajangersakkat pingaarnerit:

§ 1.5: Avatangiisinik pitsanngorsaanertut B-1746-ip ingitserneqarnissaa qulakkeerneqassasoq aammalu taamaaliornikkut biilinit inissiisarfinnik amerlanerusunik inissaqartitsisoqalissasoq.

- Aalajangersakkat sukumiisut:

§ 9.2 Sanaartukkat/Illut silataannut atortussat Kommuneqarfik Sermersuumit akuersissutigineqassasut.

§ 9.15 Allagartarsuit annerpaamik ½ m²-iunissaat peerneqarpoq § 9.19-millu taarserneqarluni; Allagartarsuit 2 m²-it sinnerlugit angissusillit Kommuneqarfik Sermersuumit akuersissutigineqassasut.

§ 10.4 Inuussutissarsiuteqarfimmut/niuertarfimmut ataatsimut 75 m²-jusumut biilinit inissisarfik ataaseq sananeqartassaaq, taanna peerneqarpoq.

Tamatuma saniatigut Nuna tamakkerlugu pilersaarusiortarfimmit nunap assigini ilanngussani aqqissuisoqarnikkut allannguuteqartoqarpoq.

Siunnersuutip assilineri Nunatta Atuagaa-teqarfiani, kommunip nittartagaani www.sermersooq.gl, Kommuneqarfik Sermersuuå saaffiginnittarfiani imaluunniit Sanarfinermut Avatangiisinullu ingerlatsivimmi telefon 34 74 31 saaffigalugu pineqarsinnaapput.

AALAJANGERSAKKAT

Matumuuna nunaminertanik atuineq aamma pilersaarusiorneq pillugit Inatsisartut peqqussutaat nr. 11, 5. decembari 2008-meersoq aamma nalunaarut nr. 7, 26. februaari 2009-meersoq naapertorlugit kommunalbestyrelsip aalajangersakkat tullinnguuttut makku aalajangersarpai:

Aalajangersakkat aalajangersakkanut pingaarnernut aamma aalajangersakkanut sukumiisunut agguataagaapput.

Allatat innersuussinerillu naqinnernik *sikingasunik* allataapput.

AALAJANGERSAKKAT PINGAARNERIT

§ 1 Kommunimut pilersaarummut tapiliussami siunertarineqartut

1.1 pilersaarummi aalajangersakkat atuuttut nutartissallugit taamaalillunilu Nuummi illoqarfiup qeqqanik ineriartortitsinissanut periarfissanik pitsaanernik pilersitsilluni.

1.2 Imanermi Naapittarfimmilu tamarmi pisuinnaat aqqutaannik uummaarissumik niuernianullu iluaqutaasumik pilersitsinissamut periarfissiissalluni; pisuinnaat aqqutaat pisuinnarnut atugassanngortillugu biilinullu atugassanngortinnagu.

1.3 Sanaartorfiit B-282 aamma B-2039 pillugit sukumiisunik aalajangersaassalluni.

1.4 Ilivinnguup B-1753-ip aamma B-54-ip tungaannut tallineqarnissaanut nunaminertamik qulakkeerinnissalluni.

1.5 Avatangiisinik pitsanngorsaanertut B-1746-ip ingitserneqarnissaa qulakkeerneqassasoq aammalu taamaaliornikkut biilinit inissiisarfinnik

amerlanerusunik inissaqartitsisoqalissasoq.

1.6 Nuummi illoqarfiup qeqqani biilinit inissiisarfissanik nunaminertanik qulakkeerinnissalluni.

1.7 Sanaartukkanut/Illunut ilusilersorneqarnerannullu najoqqutassatut najoqqutassat illoqannginnersallu ilanngunneqarnissaat qulakkiissallugu.

1.8 Sanaartukkat/Illut initaasa alliit pisuinnaat aqqutaannut sammitinneqarnissaat qulakkiissallugu.

1.9 Sanaartukkat/Illut nutaat sanaartukkanut eqqaamiorisanut atortussanik, sanaartukkat portussusiat, annertussusiat, qaliaasa ilusaat, qalipaataat immikkuualuttortaallu eqqarsaatigalugit assingunissaat qulakkiissallugu.

1.10 Sanaartukkat/Illut nutaat ataatsimut isikkuisa titartarneqarnermikkut assersuutigalugu atortussanik toqqaanikkut, portussutsikkut, annertussutsikkut, qaliaasa ilusaasigut, qalipaataat immikkuualuttortaallu eqqarsaatigalugit ataqatigiissuunissaat qulakkiissallugu.

1.11 Sanaartukkat/Illut ataatsimoorpasissumik assigiinngitsunilli isikkoqartinneqassasut.

1.12 Nunaminertami soqutigisaqaqatigiiffimmi A-mi nunaminertanik sukisaarsarfiusinnaasunik pilersitsisoqarsinnaanera qulakkiissallugu.

1.12 Nunaminertami soqutigisaqaqatigiiffiusumi B-mi biilinit inissiisarfiliornissamut periarfissaq qulakkeerneqassasoq.

§ 2 Kommunimut pilersaarummut tapiliussami immikkoortup ilaa agguataarneqarneralu

- 2.1 Immikkoortup ilaa Ilanngussaq 1-imi takutinneqartutut killeqarfilersugaavoq.
- 2.2 Immikkoortup ilaani Ilanngussami 3-mi takutinneqartutut nunaminertat soqutigisaqatigiiffiusut marluk toqqarneqarput; A aamma B.
- 2.3 Immikkoortup ilaa 4,6 ha-inik annertussuseqarpoq.

§ 3 Immikkoortup atorneraqarnera ilaata

- 3.1 Immikkoortup ilaata niuertarfeqarfittut siunertanut nioqqutissanik niuertarfilittut, sutorniartarfilittut tamakkununga tunngatillugu peqqumaasivitalittut atortorissaarutitalittullu, ”Kalaaliaqqatut”, akunnittarfittut, namminersorluni inuussutissarsiuteqarfittut (allaffiit, sillimmasiisarfiit, illunik tuniniaasarfittut, eqqartuussissuserisutut, illussanik titartaasartutut, ingenioritut assigisaatullu), pisortat allaffeqarfiattut najugaqarfittullu atorneraqarnissaa aalajangersarneqarpoq.

Atuineq pillugu aalajangersakkat amerlanerusut aalajangersakkani sukumiisuniipput.

§ 4 Sanaartukkat/Illut

- 4.1 Ilanngussami 2-mi takutinneqartutut sanaartukkat sanaartorfinni taamaallaat sananeqarsinnaapput.
- 4.2 Ilanngussami 2-mi sanaartukkat portunerpaaffissaattut oqaatigineqartutut sanaartukkat portussusilerlugit taamaallaat sananeqassapput.

- 4.3 Sanaartorfiit B-1809 aamma B-2039 ataatsimoortinneqarsinnaapput.

Sanaartukkat inissinneqarnera silataasa isikkui pillugit aalajangersakkat amerlanerusut aalajangersakkani sukumiisuniipput.

§ 5 Illoqarfimmik nutarterineq ingitsinerillu

Immikkut ittunik piunasaqaateqartoqanngilaq.

§ 6 Immikkoortup aqqusinertigut angallanneq ilaani

- 6.1 Immikkoortup ilaanut Ilivinnguakkut, Kuussuakkut, Samuel Kleinschmidt-p Aqqutaatigut Aqqusinersuakkullu aqqusineqassaaq.

Aqquserngit, aqqusineqqat biilinullu inissiisarfiit pillugit aalajangersakkat amerlanerit sukumiisumik aalajangersakkaniipput.

AALAJANGERSAKKAT SUKUMIISUT

§ 7 Sumiiffiup atorneqarnera

7.1 Sumiiffik ataatsimoorussassatut, qitiusoqarfittut aamma sukisaarsartarfittut siunertanut atorneqassaaq.

§ 8 Sanaartukkat/Illut annertussusiat inissinneqarnerallu

8.1 Sanaartukkat/Illut nutaat Ilanngussami 2-mi takutinneqartutut sanaartorfinni taamaallaat sanaartorneqassapput.

8.2 Ilanngussami 2-mi takutinneqartutut sanaartukkat/illut inissinneqassapput.

8.3 Sanaartukkat/Illut ilanngussami 2-mi takutinneqartutut portussuseqassapput. NB. B-2039 37,5-imut & B-282 34,38-mut.

8.4 Sanaartukkat quleriit aappaanni pingajuannilu aniinganeqartinneqarsinnaapput. Aniinganerit annerpaamik sanaartorfimmik meterip affaanik sippuisinnaapput.

8.5 Ikuallattoqarnerani tummeqqat ammasut usingiartarfiillu pisuinnaat aqqaata tungaanut inissinneqassanngillat.

8.6 Sanaartukkat portunerpaaffimmikkut quleriit pingasut sinneqassanngilaat qaliaallu atorneqassanngillat imaluunniit quleriit marluusinnaapput qaliaat atorneqarlutik.

8.7 Pujortartarfiliorterit tamarmik Kommuneqarfik Sermersuumik siunersioqatigiinnikkut tamatigut pisassapput, malittarisassat atuuttut malillugit.

8.8 Niuertarfinnut sutorniartarfinnullu tunngatillugu pujooriviliortoqarsinnaavoq, neqaarniarfiliortoqarsinnaavoq tamakkununngaluunniit assingusunik atortulersuusiortoqarsinnaavoq.

8.9 Immikkoortup ilaani init alliit taamaallaat niuertarfittut sutorniartarfittullu aamma inaalitsivittut taamaallaat atorneqarsinnaapput.

8.10 Sanaartukkani quleriit aappaanni qutsinnerusuniluunniit taamaallaat inissialiortoqarsinnaavoq. Init alliit quleriit siulliattut isigineqarput.

8.11 Immikkoortup ilaani sumiiffimmik teknikkikkut pilersuutissanik atortulersuusiortoqarsinnaavoq, tamakku annertussutsimikkut isikkumikkullu sanaartukkanut naleqqussarneqarpata.

8.12 Ilanngussami 2-mi sanaartorfiit takutinneqartut sanaartorfinni sanaartugaareersunik alliliinernut taarsiissutinulluunniit taamaallaat atorneqarsinnaapput.

8.13 Inissiamut tunngatillugu namminersorluni inuussutissarsiummik ingerlatsisoqarsinnaavoq, inuussutissarsiut pineqartoq najugaqartunut allanut ajoqutaassanngippat. Ajoqutaasinnaasutut taaneqarsinnaasut: aqqusinertigut angallattoqarnerulernera, biilinit inissiisarfinnik amerlanerusunik pisariaqartitsineq, nipiliorneq tipiliornerlu.

Init alliit portussusiat

8.14 Init alliit inini allerni natermiit qilaamut uuttoarlugu annerpaamik 3 meterinik portussuseqassapput (sumiiffik niuertarfinnut, inuussutissarsiutinut

meeqperivinnulluunniit
piareersarneqassappat).

Sanaartukkani/Illuni aniinganerit

8.15 Sanaartukkani annikitsualuit, soorlu
aniinganerit, aneerasaartarfiit
assigisaallu (sanaartukkat quleriit
aappaanni pingajuannilu)
sanaartorfiup killeqarfilersorneranik
meterip affaanik sippuisinnaapput.

8.16 Ikuallattoornermi tummeqqat
usingiartarfiillu nunaminertamut A-
mut (pisuinnaat aqputaat)
sammitillugit inissinneqassanngillat.

§ 9 Sanaartukkat/Illut silataasa isikkui

Sanaartukkat/Illut silataat

9.1 Sumiiffimmi sanaartukkat/illut silataat
igalaanik, qisunnik, saviminernik
ujaqqanillu atortulittut
isikkoqassapput.

9.2 Sanaartukkat/Illut silataanni
atortorisassatut kissaatigineqartut
tamarmik Kommuneqarfik
Sermersuumit
akuersissutigineqassapput.

9.3 Sumiiffimmi sanaartukkat qaliaat 25°-
nik sivingatillugit sananeqassapput.
Qaliat qaavini aneerasaartarfiit
akuerineqarsinnaapput.

9.4 Sanaartukkat/Illut nunap
soqutigisaqatigiiffiusup A-p
killinganiittut sanaartukkat initaasa
alliit takissusiisa 75 %-ii
igalaajussapput.

9.5 Sanaartukkat nunaminertap
soqutigisaqatigiiffiusup A-p
killinganiittut isaariaat pisuinnaat
aqputaannut sammisut
portunersartaqassanngillat/alloriusaqas
sanngillat. Tummeqaat usingiartarfiillu
sanaartukkamut ilaatinneqassapput.

9.6 Sanaartukkat/Illut silataat ullut
unnuallu ingerlaneranni

matoqqatinneqassanngillat imaluunniit
assiaqutaqatinneqassanatik. Assiaqutit
tunuaniit qaammarsarneqartut/qullillit
akuerineqarsinnaapput.

9.7 Teknikkikkut atortulersuutit
transformatoreqarfiillu eqqortumik
inissinneqassapput, taamaalillutik
sumiiffimmut
takussunarsaataannnginniassammata.

Qaliat qaavi

9.8 Qaliat qaavi qalissianik qernertunik
qalliuserneqassapput.

Qaliani aniinganerit

9.9 Qaliani aniinganerit meterip affaa
sinnerlugit
takitigisunngortinneqassanngillat, illup
silataani teqqorissunngorlugu
uuttorlugu.

Qaliat qaanni igalaat aniinganerillu

9.10 Qaliat qaanni igalaat imminnut
akuttoqatigiissaarlugit
inissinneqassapput qaliallu imaluunniit
aniinganerit igalaavitut ataasiakkaatut
ilusilersorneqassallutik.

Silaannarissarfiit aqputaat

9.11 Qaliat qaavini silaannarissarfiit
aqputaat illup silataanit 5 meterinik
tunorpasinninngorlugit
inissinneqassapput. Silaannarissarfiit
aqputaat illup qaliata qaavanit 2
meterinit portunerutinneqassanngillat.
Silaannarissarfiit motoorii illut
qaliaasa qaavinut silataannulluunniit
inissinneqassanngillat.

9.12 Silaannarissarfiit aqputaat aqqusinernit
aqqusineqqanillu
takuneqarsinnaajunnaarlugit
inissinneqassapput.

9.13 Silaannarissarfiit assigisaallu illup
ilaattut ilanngunneqassapput illullu
titartarneqarnerata ilaattut
ilanngunneqassallutik.

Allagartarsuit

- | | |
|--|--|
| <p>9.14 Allagartarsuit illup silataanut naleqqussarneqassapput illullu ataatsimut titartarneqarnerata isikkuanut ilaatinneqassallutik.</p> <p>9.15 Illup titartarneqarnerata ilaattut allagartarsualersuisoqassanngilaq aamma ussassaarissoqassanngilaq, assersuutigalugu matuni silarlarni igalaanilu imaluunniit illup silataatut, igalaani inngianaveeqqutitut assigisaattullu isikkoqassanatik.</p> <p>9.16 Sanaartukkani/Illuni ataasiakkaani suliffeqarfimmut illumiittumut atasunik allagartarsualersuisoqarsinnaavoq.</p> <p>9.17 Isumannaallisaaneq pillugu allagartarsuit suliffeqarfiillu allagartarsuaat transformatoriisivinnut, imiisivinnut assigisaannullu malittarisassat malillugit inissinneqarsinnaapput. Illup atorneqarnera pillugu taamaallaat allagartarsualersuisoqarsinnaavoq.</p> <p>9.18 Igalaat qallerlugit qalipanneqaratillu nippussuiffigineqassanngillat.</p> <p>9.19 Allagartarsuit 2 m²-it sinnerlugit annertussussillit Kommuneqarfik Sermersuumit akuersissutigineqassapput.</p> | <p>10.5 Sanaartukkat/Illut tamanut saaffiginnittut isaariaat pitsorluttunut qamutinillu kaassuartakkanik atuisunut naleqqussarneqassapput.</p> <p>10.6 Illut silataat sinnerlugit 2 meterinik takitigisunik tuniniaavinnut nunaminertanik atugassiisoqassaaq. Tuniniaaviit siumoortumik akuersissummik qinnuteqaateqanngikkaluarluni atorneqarsinnaapput, atuneq pisuinnarnut, niuertarfinnut, aputaajaanernut assigisaannullu akornutaanngippat. Atuisussaaitaasut tassaapput niuertarfiit tamakku tungaannut inissisimasut. Ilanngussaq 2 takuuk.</p> <p>10.7 Nunaminertami soqutigisaqaqatigiiffiusumi A-mi, soorlu ilanngussami 3-mi takutinneqartoq, nunaminertat pisuinnaat aqqaannut illoqarfimmilu pisuinnaat aqqaannut inniminneqarput.</p> <p>10.8 Nunaminertami soqutigisaqaqatigiiffiusumi B-mi, soorlu ilanngussami 3-mi takutinneqartoq, nunaminertat attaveqaatinut atortunut, soorlu aqqusinernut biilinullu inissiisarfinnut salliutinneqarput.</p> |
|--|--|
-
- | | |
|---|---|
| <p>§ 10 Akquserngit, akqusineeqqat biilinullu inissiisarfii</p> <p>10.1 Ilanngussami 3-mi takutinneqartutut kommunimut pilersaarummut tapiliussaqarfiusumut akqusineqassaaq.</p> <p>10.2 Biilnut inissiisarfii inissiisarfissatut atugassiissutigineqartuniissapput.</p> <p>10.3 Inissianut marlunnut biilnut inissiisarfik ataaseq atugassiissutigineqassaaq, pisariaqartitsisoqartorlu paasineqarpat taanna sanaqquneqarsinnaavoq.</p> <p>10.4 Ilanngussami 3-mi takutinneqartutut biilnut inissiisarfiliortoqarsinnaavoq.</p> | <p>§ 11 Nunaminertat sanaartorfigineqanngitsut</p> <p>14.1 Illuliornerni illunillu atuinerni nuna sapinngisamik innarlitsaaliorneqassaaq tamatumalu kingorna nuna ilusaatut ilerseqqinneqassaaq.</p> <p>14.2 Nunaminertat sanaartorfigineqanngitsut sunilluunniit sivilunerusumik ilitsivigineqassanngillat.</p> <p>14.3 Nunaminertat sanaartorfigineqanngitsut, qalliutit</p> |
|---|---|

aqqusinernullu atortut sanaartorneq
allanilluunniit suliaqarneq
pissutigalugu aserorneqartut ilusaattut
ilerseqqinneqassapput.

akornutaanngitsumik assersuutigalugu
kussiornikkut kuutsinneqassallutik.

Eqqaavilerineq

- 14.4 Nutaanik sanaartornerni
eqqaavilersuinissanut eqqaavinnillu
containerinik inissiinissanut
nunaminertat pisariaqartinneqartut
allanngortiterneqassapput.

Aqqusinernik qalliusersuinerit

- 14.5 Nunaminertami
soqutigisaqatigiiffiusumi A-mi
Kommuneqarfik Sermersuumi
Illoqarfimmik Inerisaavik qanimut
suleqatigalugu aqqusinernik
aqqusineeqqanillu
qalliusersuisoqassaaq.

§ 12 Teknikkikkut atortulersuutit

- 12.1 Sanaartukkat nutaat pisortat
innaallagissamut imermullu
aqquersuutaannut
kuuffissuaataannullu
attavilerneqassapput aamma
aalajangersimasumik innaallagissamut
imaluunniit ungasianik kiassaanernut
nukissiuutinulluunniit allanut
avatangiisinut navianaataanngitsunut
soorlu seqinisaatinut, nunap iluata
kissaanut il.il. attavilerneqassallutik.

*Sanaartortitsisup/nunaminertamik a-
tugassinneqartup nammineq akisus-
saaffigivaa oqartussaasut akuersissu-
taannik pisariaqartunik piniarnissaq,
soorlu kiassarnissamut sukkulluunniit
malittarisassat atuuttut malillugit
attavilersinnissamut.*

- 15.1 Sunaluunniit imikoq kuuffissuakkut
kuutsinneqassaaq. Nunap qaavata
imertaa imertaajaatigineqartullu allat
kuuffissuakkut kuutsinneqassanngillat
kisiannili illunut, aqqusinernut,
aqqusineeqqanut nunaminertanullu
sanaartorfigineqanngitsunut

- 15.2 Teknikkikkut pilersuutit soorlu
kuuffissuit erngullu aqqutaat nunap
iluatiigoortinneqassapput. Ledningit
aqqutaat sapinngisamik
ataqqineqassapput qallerlugillu
sanaartorfigineqassanatik. Inuup allap
ledningit aqqutaannik allanngortitigai
ledninginik piginnuttumut
aningaasartuutaassanngillat aammalu
ledninginik piginnittut
siunersioqatigalugu taassumallu
ilitersuineri malittarisassaatalu
malillugit allanngortiterisoqassalluni.

- 15.3 Sumiiffimmi teknikikkut
atortulersuutinik
inissiisoqarsinnaavoq, tassunga
ilanngullugu sumiiffimmut
pilersuinerimut transformatoriisivinnik.
Transformatoriisiviit Nukissiorfiit
siunersiorlugit inissinneqassapput
aammalu sumiiffik ataatsimut
isigalugu takussunarsaataasumik
inissinneqassanatik.

- 15.4 Aqqusinernut aqqusinneeqqanullu
qullilersuineq Kommuneqarfik
Sermersuumi Illoqarfimmik
Inerisaavik suleqatigalugu pissaaq.

- 15.5 Parabolantennit
takussunarsaataanngippata
eqqaamiunullu ajoqutaanngippata
ikkussuunneqarsinnaapput. Tamakkua
Kommuneqarfik Sermersuumi
Illoqarfimmik Inerisaavik qanimut
suleqatigalugu inissinneqassapput.

§ 13 Avatangiisini pissutsit

- 13.1 Nutaanik sanaartornerni
eqqagassalerineq pillugu malittarisassat
atuuttut malillugit eqqagassaasivinnut
eqqagassalerinissanullu nunaminertanik
pilersitsisoqassaaq.

- 13.2 Nunaminertat assikkat avataannut
eqqaavinnik containeriusunik
inissiisoqassanngilaq.
- 13.3 Eqqaavilerfiit eqqagassanik
ajornaquteqanngitsumik
aallernissamut akornutaajunnaarlugit
aputaajartakkamullu
inissinneqassapput.

§ 14 Atuilernissamut piumasaqaatit

- 14.1 Atuisoqalersinnagu eqqakkanut
eqqaaviit containeriusut imaluunniit
puut atorneqassanersut
qulakkeerneaqqaaassaaq.
- 14.2 Atuisoqalersinnagu
imertaajaanissamut pilersaarut
akuerisaq pigineqassaaq.
- 14.3 Pisortat attavilersuutaannut
attavilernissamut allakkatigut
akuersissut pigineqalersinnagu
sanaartukkat/illut nutaat
atorneqassanngillat.


§ 15 Illoqarfiup ilaanut
pilersaarummik aamma
kommunimut pilersaarummut
tapiliussamik atorunnaarsitsineq

- 15.1 Kommunimut pilersaarummut
tapiliussap inaarutaasumik
akuerineqartup tamanut
nalunaarutigineqarneratigut Illoqarfiup
ilaanut pilersaarut atuuttoq 1C8-5,
Nuup illoqarfiata qeqqa, 2006-imi
novembarimi akuerineqartoq
atorunnaarsinneqarpoq.

AKUERSISSUTERQARNEQ

Kommunimut pilersaarummut tapiliussaq 1C8-6, Nuup Qeqqa, ulloq 2011-mi augustip ulluisa 30-ani matumuuna Kommuneqarfik Sermersuumi Kommunalbestyrelsimit akuersissutigineqarpoq.

Kommuneqarfik Sermersooq ulloq




Asii Chemnitz Narup
Borgmesteri

/



Søren Hald Møller
Pisortaaneq

Siunnersuutitut ulloq 2011-mi novembarip ulluisa 23-ani pisortatigoortumik nalunaarutigineqarpoq




KOMMUNEQARFIK SERMERSSOOQ
 Sanarfinermut avatangisinnullu ingerlatsivik
 Anlægs- og Miljøforvaltningen

Kommunimut pilersaarummut tapiliussaq 1C8-6
 Kommuneplantillæg 1C8-6

Illanngussaq 1 Sumiiffiup ilaa Sumiiffiup annikitsup ilaa Pisutsillu pioresut
 Bilag 1 Delområde. Eksisterende forhold
 November 2011
 Uttuut / Mål 1:2000

0 m 20m 40m 60m 80m 100m




KOMMUNEQARFIK SERMERSSOOQ
Sanarfinermut avatangisnullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 1C8-6
Kommuneplantillæg 1C8-6

Illanngussaq 2
Bilag 2 Byggefelter
November 2011
Uttuut / Mål 1:2000

0 m 20m 40m 60m 80m 100m




KOMMUNEQARFIK SERMERSSOOQ
 Sanarfinermut avatangisinnullu ingerlatsivik
 Anlægs- og Miljøforvaltningen

Kommunimut pilersaarummut tapiliussaq 1C8-6
 Kommuneplantillæg 1C8-6

Ilanngussaq 3 Nunaminertat soqutigisaqatigiiffiusut
 Bilag 3, Interessezoner
 November 2011
 Uttuut / Mål 1:2000

0 m 20m 40m 60m 80m 100m




KOMMUNEQARFIK SERMERSSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 1C8-6
Kommuneplantillæg 1C8-6

Ilanngussaq 4, B-2039-p aamma B-282-p toqqavikui
Bilag 4, Fodastryk af B-2039 & B-282
November 2011
Uttuut / Mål 1:500

0 m 5 m 10 m 15 m 20 m 25 m

Siunissami Imanissaq? Det fremtidige Imaneq?



KOMMUNEQARFIK SERMERSOOQ
Sanarfinermut avatangisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 1C8-6
Kommuneplantillæg 1C8-6

Ilanngussaq 5, Titartagaq
Bilag 5, Illustration
November 2011
Uttuut / Mål 1:1000

0 m 10m 20 m 30m 40m 50m